



# 中國地方志集成

省志輯·山西 ④

雍正山西通志(二)

鳳凰出版社 ● 上海書店 ● 巴蜀書社

圖書在版編目(CIP)數據

中國地方志集成. 省志輯. 山西 / 鳳凰出版社編

— 南京 : 鳳凰出版社, 2011. 7

ISBN 978-7-80729-758-1

I. ①中… II. ①鳳… III. ①中國—地方志②山西省—地方志—清代 IV. ①K29

中國版本圖書館CIP數據核字(2011)第136628號

中國地方志集成·省志輯·山西(全七冊)

著 作 者 本社 編選

責任編輯 王 劍 薛 飛

封面設計 范一辛

出版發行 鳳凰出版傳媒集團

鳳凰出版社(原江蘇古籍出版社)

南京市中央路 165 號 郵編 210009

發行部電話 025—83223462

集團網址 鳳凰出版傳媒網 <http://www.ppm.cn>

印 刷 金壇市古籍印刷廠有限公司

江蘇省金壇市晨風路 186 號 郵編:213200

開 本 787×1092 毫米 1/16


印 張 371.25

版 次 2011 年 7 月第 1 版 2011 年 7 月第 1 次印刷


標準書號 ISBN 978-7-80729-758-1

定 價 3800.00 圓 (全七冊)

(本書凡印裝錯誤可向承印廠調換,電話:0519-82338389)



雍正山西通志(二)



(清) 覺羅石麟 修  
(清) 儲大文 纂

目

録

第一册

康熙山西通志(一)

一

第二册

康熙山西通志(二)

一

第三册

雍正山西通志(一)

一

第四册

雍正山西通志(二)

一

第五册

雍正山西通志(三)

一

第六册

雍正山西通志(四)

一

第七册

雍正山西通志(五)

一

山西通志卷第四十六

山西巡撫都察院右副都御史 覺羅石麟奉

旨修輯

風俗

唐虞之治比戶可封夏后氏尚忠唐魏之風雖不免於儉  
高褊急而其去夸詐輕浮之習固已遠矣

國家化民成俗上紹唐虞而山西被化尤邁至於去唐魏之  
陋以範乎中正此亦守土者之所以厚靳也志風俗

河內曰冀州其山鎮曰霍山其澤藪曰陽紆其川漳其浸汾  
潞其利松柏其民五男三女其畜宜牛羊其穀宜黍稷

北曰并州其山鎮曰恆山其澤藪曰昭餘祁其川序池嘔夷  
其浸洹易其刊布帛其民一男二女其畜宜五擾其穀宜五

山圖

卷四十六

種鄭康成注五種馬牛羊犬豕六畜中雞為擾故去之云五  
種黍稷菽麥稻者若備用六穀則兼有

季札觀樂為之歌唐曰思深哉其有陶唐氏之遺民乎不然  
何憂之遠也非令德之後誰能若是為之歌魏曰美哉風風

乎大而婉險而易行以德輔此則明主也註晉本唐國故有  
遠情發於聲風風中庸之聲婉婉也險當為

魏國風七篇詩孝子行役思念父母十載之間刺時  
風刺重飲

唐國風十二篇詩公山有樛刺晉昭公楊之  
亂也士刺時武公刺昭公

魏國風諸葛屨詩公山有樛刺晉昭公楊之  
有扶之也刺時武公刺昭公

唐國風諸葛屨詩公山有樛刺晉昭公楊之  
有扶之也刺時武公刺昭公

唐國風諸葛屨詩公山有樛刺晉昭公楊之  
有扶之也刺時武公刺昭公

魏地狹隘其民機巧趨利其君儉嗇褊急而無德以將之  
小序

唐風土瘠民貧勤儉質朴憂深思遠有堯之遺風焉魏地狹  
隘民俗儉嗇蓋有聖賢之遺風焉詩傳

河東之地平易有鹽鐵之饒本唐堯所居詩風唐魏之國也  
周武王子唐叔在母未生武王夢帝謂己曰余名而子曰虞

將與之唐屬之參及生名之曰虞至成王滅唐而封叔虞唐  
有晉水及叔虞子燮為晉侯云故參為晉星其民有先王遺

教君子思深小人儉陋故唐詩蟋蟀山樞葛生之篇曰今我  
不樂日月其邁宛其死矣他人是始百歲之後歸於其居皆

山西通志

卷四十六 風俗

思奢儉之中念死生之慮吳札問唐之歌曰思深哉其有陶  
唐氏之遺民乎魏國亦姬姓也在晉之南河曲故其詩曰彼

汾一曲賓諸河之側自唐叔十六世至獻公滅魏以封大夫  
畢萬滅耿以封大夫趙夙及大夫韓武子食采於韓原晉於

是始大至於文公霸諸侯尊周室始有河內之士吳札聞魏  
之歌曰美哉風風乎以德輔此則明主也文公後十六世為

韓趙魏所滅三家皆自立為諸侯是為三晉趙與秦同祖韓  
魏皆姬姓也漢書

趙地昂畢之分野趙分晉得趙國西有太原定襄雲中五原  
上黨上黨本韓之別郡也遠韓近趙後卒降趙皆趙分也自

趙夙後九世稱侯四世敬侯乃徙都邯鄲焉太原上黨多晉  
公族子孫以詐力相傾矜夸功名報仇過直嫁娶送死奢靡

公族子孫以詐力相傾矜夸功名報仇過直嫁娶送死奢靡  
公族子孫以詐力相傾矜夸功名報仇過直嫁娶送死奢靡

漢興號為難治常擇嚴猛之將或任殺伐為威父兄被誅子

弟怨憤至告訐刺史二千石或報殺其親屬鍾代石北師古

險之限在上曲陽民俗慎忤好氣為姦不事農商自全晉時

已患其剽悍而武靈王又益厲之故冀州之部盜賊常為它

州劇定襄雲中五原頗有趙齊衛楚之徒其民鄙朴少禮文

好射獵鴈門亦同俗於天文別屬燕漢書

昔舜耕歷山陶河濱禹非飲食惡衣服卑宮室此儉約之化

於今猶存鄭康成詩說

北土重同姓竝謂之骨肉有遠來相投者莫不竭力營贍若

有一人不至者以為不義不為鄉邑所容宋王仲德傳

晉有唐虞之遺風其俗飾財而儉齊北齊書

河東絳郡文城臨汾龍泉西河土地沃少瘠多是以傷於儉

山西通志卷四十六 風俗

齊其俗剛強亦風氣然乎太原山川重複實一都之會雖後

齊別都人物殷阜然不甚機巧俗與上黨頗同人性勁悍習

於戎馬離石鴈門馬邑定襄樓煩皆連接邊郡習尚與太原

同俗故自古言勇俠者皆推幽并云然丞郡太原自前代以

來皆多文雅之士雖俱曰邊郡然風教不為比也隋志

冀州堯都所在疆域尤廣山東之人性緩尚儒仗氣任俠太

東魏晉以降文學盛興閭井之間習於成法并州近狄俗尚

武藝左右山河古稱重鎮韓信謂陳稀曰代天下精兵處後

武藝左右山河古稱重鎮漢書

山之險有大河之固寄任者必文武兼資焉 通典

晉之故封太行騎之首陽起之黃河迤之大陸靡之以稼則

碩以植則茂以收則蓄以魚則庶而人用是富而邦以之阜

晉問

昔魏君儉嗇福急近秦晉日見侵削平桓之世變風始作詩

唐俗勤儉故其民間終歲勞苦不敢少休及其歲晚務閒之

時乃敢相與燕飲為樂朱子詩註

其風俗之厚而前聖遺風之遠如此同上

自堯而至於周蓋千餘年矣而其風俗流傳固結於唐人之

心故其民間質實勤儉之習親愛和樂之思警戒忠告之情

備見於詩此其俗之所以為厚也安城劉氏詩說

克勤克儉所憂所思雖無唐虞君臣之德業而其發於詩者

與伯益告戒之辭同條共貫信乎前聖遺風之遠也同上

唐俗勤儉勤者生財之道儉者用財之節聖人教人不越乎

山西通志卷四十六 風俗

勤儉而已豐城朱氏詩說

河東路蓋禹貢冀雍二州之域而冀州為多當背參之分其

地東際常山西控黨項南盡晉絳北控雲朔當太行之險地

有鹽鐵之饒其俗剛悍而朴直勤農織之事業寡桑柘而富

麻苧善治生多藏蓄其斯尚尤甚朔方樓煩馬之所出歲增

質市以克監牧之用太宗平太原慮其恃險徙州治焉然猶

為重鎮屯精兵以控邊鄙云宋地理志

昔者唐室之衰燕趙之人八十年之間竭力致死不顧敗亡

以抗天下之兵而以為忠臣義士之所當然蘇轍燕趙論

戰國之時秦晉之兵彎弓而帶劍馳騁上下咄嗟叱咤蜀漢

之士所不能當也然而天下既安秦晉之間豪民殺人以報

仇讎椎埋發塚以快其意而終不敢大變也蘇轍蜀論



呂端傳作糊塗朱子打呼曰鼾睡宋太祖曰臥榻之責人曰  
數說左傳乃執子商而數之史記飯曰一頓晉謝安射陶大  
食杜詩頃刻食黃魚惡味傷口曰折列子於口多日够少  
曰不够富夥反魏都賦繁受人之物曰賄音賄以物予人曰  
歸人歸女樂齊霞曰燒市晚燒行千里電曰閃大人賦貫列  
雨也天霞曰硬雨宋呂居仁日紹興初臨安大雨電太景屋  
驛令狐楚詩少小邊州慣孔曰窩擺怎麼日左成聲反切來  
讀為釐古協飛讀如希微韻房為縛羊為樂驚為戟明為寬  
養為樂上紡為縛上鏡為戟去命為覓去王恭先日周德清  
就入聲使德清有知應為拂拂明聲之病有以哉  
農家月令

山西通志

卷四十六 風俗

七

立春喂耕牛 雨水撒糞土 驚蟄河半開 春分種小麥  
清明前後種豌豆 又云 二月清明草不青 三月清明道旁  
青 穀雨種豌豆 立夏種穀 小滿前後安瓜種豆 芒  
種忙種黍子急種穀 又云 芒種見鋤刀 夏至見豆花 又云  
夏至不種高山黍還種十日小糜黍 小暑喫大麥 又云 小  
暑當日回 有雨即回 大暑喫小麥 立秋一十八日寸草皆  
齊 處暑不出頭割得喂了牛 霜降不歸田 立冬不使牛  
穀羅 寒露百草枯 霜降不歸田 立冬不使牛  
小雪凍大河 大雪凍小河 冬至不開窖 小寒寒不小  
大寒不加水

太原府

好樂無荒良士瞿瞿 詩唐風

晉陽王武子中都孫子荆各言其土地人物之美王云其地  
坦而平其水淡而清其人廉且貞孫云其山崑崙以嵯峨其  
水湮淥而揚波其人磊砢而英多 世說新語  
士寤理學兼習辭章敦厚不華淳儉好學工賈務實勤業 太  
原府志

人物輩出代不乏人皆有文武全才 國朝  
莊宗既好俳優又知音能度曲至今汾晉之俗往往能歌其  
聲謂之御製者皆是也 五代史

宋韓琦知并州河東俗用火葬琦為買田封樹刻石著令使  
得葬於其中人遂以焚屍為恥 本傳  
古晉名區西藩首郡 祝志

山川雄邃風氣綿厚城郭堅完原墜沃衍 業砥府治記

山西通志

卷四十六 風俗

八

民敦質朴士守禮義告訐絕無生計甚鮮 祝志  
在鄉多質朴城中軍民雜處或向機詐服飾尚華喜作玩具  
性氣剛勁小忿輒投岸跳河遇凶荒則負擔之外境謂之赴  
熟然尊卑有序內外有辨亦庶乎知禮者 舊志  
省會男子不務蓄積數金之家盡炫耀於服飾之間叩其家  
無有也婦人白晷而垢服不綴不織而習於咎窳 周永春復  
古序

士風淳篤民性鷙悍 祝志  
風土深淳民物茂雅 呂思誠憲淵書院記  
力田畝務紡織其性剛 祝志

邑之生齒繁衆隸籍者五萬二千戶僑居而末業者不可勝  
數河東之邑斯最為大噴言控訴庭無虛日敏政而泣之猶

憚弗及宋文彥博思嚴亭序

士下惟農負耒紡績務本日夜矻矻而巨室大家又躬先儉質以爲之的榆志

男職耕女職織素封之家華不掩實張國儒藏經樓記

土厚風淳時熙化美元呼延伯起太谷宣聖廟記

尙氣好訟關麗誇多太谷志

士急進趨好經術尙節義太谷志

農力於野商賈勤貿易無問城市鄉村無不織紡之家可謂地無遺利人無遺力矣邇來競尙奢靡已非良士蹶蹶好人

提提之舊而婚娶重財又有甚焉太谷縣志

盡力耕稼留心織紡和順志

俗尙勤儉男耕女織殆無遺力祁縣志

山西通志

卷四十六

九

務本節用尙質守勤視志

其民淳朴用度節儉閭閻勤紡績士類尙節義第地多沙礫

差役煩重貧民皆習逐末夙號衝疲不虛也徐溝縣志

強悍好鬪勤儉少文視志

成化宏治間輕生好訟近年民知務本士知勤學清源志

農本相資儉嗇多盜視志

俗尙儉嗇人性朴實農本相資視志

士膏氣秀而豐於財性悍情乖而喜於訟視志

勁而輕生儉而趨利澆朴相半勤則其性也文水縣志

地貫七鄉民踰萬戶土膏氣秀財豐俗淳西山橫列而壯其

形勢東汾環流而爲之襟帶風物繁華英豪間出石碣

堂記文水

敦朴無華務稼穡尙騎射視志

依山土瘠人有朴直遺風服勤茹淡多質少文鄉井專務稼穡不牽車牛以遠游父子亦佐耕耘未諳紡績爲何物奇嵐

州志

魏民舊俗以正月十五夜爲打簇戲能中者卽時賞帛爾朱

榮傳嵐縣

其性悍其習陋山多地少民貧視志

勤儉朴陋視志

朴實不浮稼穡是務視志

士閉戶自守農夫力穡崇嶺峻阪無不耕植工無奇技淫巧地僻不通舟車乏富商大賈是以事節儉務蓋藏興縣志

平陽府

山西通志

卷四十六

十

帝堯疆於行畜於志以養天下之形是以庶政惟和萬國咸寧民皆迪吉莫不振動服化比屋可封而躋仁壽路史

昔唐人都河東徐廣曰堯殷人都河內周人都河南夫三河在天下之中若鼎足王者所更居也建國各數百千歲土地

小狹民人衆都國諸侯所聚會故其俗纖儉習事楊平陽陳

西賈秦狄北賈種代史記

比屋可封者堯舜爲之隄也楊榮傳

欲作千箱主問取黃金母謂多稼厚蓄耕土所致也汾晉間

語

魏豐樂侯杜君畿爲河東守開置學官親執經教授郡中化

之自後河東特多儒者通典

平陽竟之所理有茅茨采椽土砌之度故其人至於今儉嗇

有溫恭克讓之德故其人至於今善讓有師錫命曰疇咨之道故其人至於今好謀而深思有百獸率舞鳳凰來儀於變時雍之美故其人至於今和而不怒有昌言儆戒之訓故其人至於今憂思而畏禍有無爲不言垂衣裳之化故其人至於今恬以愉吳子曰儉則財用足而不淫讓則遵分而進善其道不關謀則通於遠而周於事和則人之質戒則義之實恬以愉則安而久於其道也至乎哉晉問

汾水之曲巨河之濱故魏之國都舊晉之疆土其俗富庶接秦雍之郊其民忠厚被虞夏之教宋真宗汾陰記

太行山之高處平陽晉州蒲坂山之盡頭其地磽瘠人民朴陋儉嗇惟堯舜能都之朱子論

河東地瘠民貧風俗勤儉乃其風土氣習有以使之至今猶山西通志卷四十六 風俗

然在三代時可知朱子詩辨

平陽往聖所都氣溫土沃河東殷實漢唐同稱吏能茹冰蘗可鳴琴治也

崇禮讓多勇敢圖書編

君子憂深思遠小人儉嗇甘辛苦薄於滋味勤於耕織服勞商賈平陽府志

人好力田喜雨苦旱同上

其民甘粗糲力稼穡儉朴不奢祝志

居不近市女不向衢士民有分男女無雜勇於納賦恥於遊食舊志

尚朴魯力田畝勤紡績崇享祀祝志

力稼服田勤於紡績享祀報本雖費不奢舊志

民尚儉而務耕織士勤學而恥騎奢祝志

惟尚質實不事商賈祝志

俗尚節儉不事商賈男耕女織各執其功尤重婚喪有無相須洋山志

勤於耕織簡於自安祝志

民性儉嗇士知讀書趙城志

男力畝畝女務織紡信鬼神喜祭賽婚論財禮喪用浮屠祝志

君子尚禮義小人勤稼穡里閭之間雍雍如也太平縣志

質而少文儉而不侈祝志

人民性質而朴素財用節儉而不侈文武鮮尚商賈不通移

山西通志卷四十六 風俗

魯成公六年晉人謀去故絳韓獻子曰不如新田土厚水深居之不疾有汾澮以流其惡且民從教左傳

晉詩素衣朱襦孔穎達引釋器以釋之曰黼領謂之襦孫炎曰繡刺黼文以纓領是也皇祐四年禮院奏

重遷徙服商賈頗好神而喜訟祝志

士物拘禮法矜譚氣節即人不盡然亦善鈞從衆民朴直急公貢賦不敢後而競利好鬪或亦地氣使然也土狹人滿每挾貨走四方所至多流寓其間雖山陬海澨皆有邑人趙彥

民淳訟簡有禮讓風

祝志

重禮義不事浮末近頗惑於鬼神

祝志

靈石僻在萬山中財貨不通其人勤苦多致蓋藏弟子員皆

守章句不敢背師說

靈石縣志

岳陽竟都所在其民勤且儉猶有遺風焉

明一統志

好儒少訟薄於衣食而好置產業

祝志

潞安府

民俗淳古

潞安志

上黨多晉公族子孫以詐力相傾

漢書

潞州山川高險人俗勁悍

晉五代史

宋時潞州民死多不葬通判李昭玘斥官地畫兆窆具棺衾

作文風曉之俗為一變

潞志

山西通志

卷四十六 風俗

主

上黨之間士或帶經而鋤有不待風厲而樂為之者

元好問

學記

地險而民悍物饒而俗強

張仲賢序治

其人純質節儉勤稼穡其地宜黍稷氣候遲

五州志

民多儉質而務農士尚氣節而務學

圖書編

人習機杼俗亦儉樸

民多勤儉力農士尚氣節務學

祝志

永宣成宏之時士敦行務實農商亦簡素朴野罔敢凌肆自

恣迨其後漸致華靡俗尚巫覡凡聯姻締交營葬不無少變

於前

長治縣志

淳朴節儉循守禮

祝志

淳朴而力田節儉而尚禮娶妻必親迎親喪少佛事

長子志

節儉務農織不事商賈士風頗振

祝志

士瘠民勞習尚儉素有堯之遺風

元皇甫本屯簡記

其地在萬山之中險狹而饒薄民力田勤苦歲獲不及他郡

之半故土俗自古稱純儉其勢然也

劉健屯留記

崇儉務本力學好儒

祝志

其俗悲歌慷慨而尚氣節儉以自奉而急於正供

襄垣縣志

力田而知克勤守已而恥犯法

祝志

地瘠民貧土寒風肅勤儉力田

潞城縣志

田畝能勤財用知儉

祝志

其民淳儉好文力田

黎城縣志

安貧守儉力田務本

祝志

壺俗淳古惟儉惟勤歲時伏臘罔敢有卽於戲者

壺關志

山西通志

卷四十六 風俗

古

朴直而少文儉嗇而不華勤於農桑短於商賈

祝志

石厚土薄地瘠人窮婚姻喪葬交相為助

平順縣志

汾州府

夫西河魏土文侯所興有段干木田子方之遺風凜然皆有

節槩知去就之分

楊惲報孫會宗書

地高氣爽土厚水清其民淳且重桑麻之沃杭稻之富流行

四境

宋謝安清定記

汾州古臺駘地阻金嶺倚湯泉滌汾如帶俗尚儉重文義近

競業務為晉奧區

提學薛亨學記

其人勤儉

文獻通考

汾州風俗重厚尚義

地輿紀要

其民重厚知義尚信好文

明一統志

其地商賈走集民物浩穰俗用侈靡訟獄滋煩馮琦府治記

古西河地人民繁庶祝志

性質淳厚俗尚儉約勤於稼穡守禮好義通志

人民繁庶強毅質朴農務耕牧士習絃誦有忠厚之風穆志

其民重厚知義尚信好文近流於奢祝志

多商賈喜華靡世祿者衆知禮者鮮祝志

務稼穡事織紡但風氣剛勁頗難治祝志

地瘠薄氣剛勁多耕織少商賈健訟尚侈府志

士之重入黨塾壯游膠泮者皆荆璞未剖藍石待鑿悃質純幹得全於天紀雲鶴平遂學記

周舉汝陽人爲并州刺史太原舊俗以介子推焚骸有龍忌之禁至其亡月競言神靈不樂舉火士民每冬輒一月寒食

山西通志卷四十六 風俗

莫敢煙爨老少多病死者舉乃作文弔子推言盛冬去火殘損民命非賢者意宣示愚民使溫食於是衆惑稍解風俗頓革雜記

路公祖銘云文氏嘉是山水樂其風土乃自河東之同果里徙居於此諸公家乘

人多業醫尚儉素勤稼穡好勇義隆於祀先雖費而不惜祝志

萬歷間邑令史記事云每嘉士大夫敦朴有古風獨慮民習於奢幾不可訓且崇佛重禱市利輕生而少知教介休縣志

儉尚健訟且好鬼神祝志

民性敦厚婚喪周濟不吝郡志

勤於商賈勇於輸納民頗畏法士知自守祝志

王阜平叢川流迅厲其民悍而不好感而易從臨縣志

敦厚儉嗇不事商賈惟勤農畝祝志

其性醇其俗儉樸略少文男不經商女不紵織惟農是務棟宇不飾民多穴處石樓縣志

土瘠民貧愚魯儉朴祝志

土瘠民貧野曠人稀士多慷慨民亦質直勤於業農拙於服

賈衣冠文物頗有古風郡志

朴魯少偽禮節不愆祝志

地瘠俗儉無奇飾無逐末郡志

大同府

質直朴野漢志

後魏樂府有北歌亦曰真人歌都代時命宮人朝夕歌之周

山西通志卷四十六 風俗

隋始與西涼樂雜奏至唐存者五十三章而名可解者六章而已一曰慕容可汗二曰吐谷渾三曰部落稽四曰鉅鹿公

主五曰白淨王六曰太子企喻也其餘辭多可汗之稱蓋燕

魏之際鮮卑歌也隋鼓吹有其曲而不同貞觀中將軍侯貴

昌并州人世傳北歌詔隸太樂然譯者不能通歲久不可辨

矣唐樂府序

自代北至雲朔等州北臨廣野封略之內南北錯居寰宇記

質直淳厚地輿錄要

俗尚武藝風聲氣習自昔而然明一統志

大同雖涉邊徼商旅輻輳以浮靡相炫耀祝志

雲北邊大藩鎮其土沙瘠其俗驕悍軍戎雜處號稱難治李承式記

政

雲北邊大藩鎮其土沙瘠其俗驕悍軍戎雜處號稱難治

政李承式記

雲北邊大藩鎮其土沙瘠其俗驕悍軍戎雜處號稱難治

政李承式記

壬人勁直率矜名節飭廉隅猶存忠厚之風郡志

地土沙磧薄風高氣寒豐歲畝不滿斗故中人日僅再食

俗多儉嗇恆存蟋蟀之風郡志

尚侈而少實實安分而鮮爭訟祝志

士習謹愿絕無武斷告訐之行簪弁子弟服習弓馬給事塵

幕以列車駢材官之盛且地近虎山土著從戎者十室五六

少小邊庭之習氣爾爾大同縣志

無負氣健訟之風有務農勤本之實祝志

地土沙磧人性朴直雖窮鄉僻里亦知崇尚詩書人文視前

頗盛懷仁縣志

儉約朴素惟務農業祝志

民務農士敦本服食崇儉婚喪如禮山陰縣志

山西通志 卷四十六 風俗 七

吾里唐虞故壤猶存儉嗇之風燕趙多豪羞作輕窳之態頗

知禮而畏義不隨俗而習非乃頃矜弁之中間有執耜之子

衆方指議而竊笑彼且覲面而招淫蕩而無成悔之何及尙

其衣錦而存尙綱之心被褐而珍懷玉之守貌思作肅服戒

不衷山陰王玄瑞公集

人民淳厚墾田爲生應州圖經

其民淳其事簡祝志

俗尙武藝少事商賈其地乾燥少樹宜雨不宜旱尤苦霜早

應州志

四民氣稟淳厚各守所業而不變遷以儉勤相能澤源州圖

以淳厚相尙以勤儉爲本祝志

據雲中奧區山川秀異哲人輩出安澤澤州學記

民知勤農士頗尙學祝志

先秋隕霜深春猶雪終歲勤勞習尙儉陋靈邱縣志

地肥饒人喜爭好關頗爲北方風氣之固祝志

廣靈西北之區地磧而民朴勤於稼穡如太史公貨殖傳所

云代北之民任俠爲姦不事農者蓋亦少矣雖有武健之習

民尙雀角之爭而賦質淳慤不失古風廣靈志

地隸蔚州民性質無詬去華從儉以耕織爲生元志

耕樵爲業亦事商賈地近邊陲賦性勇悍祝志

其風朴略其俗徑遂勤耕耘務牧養陽高縣志

地臨邊塞人情朴魯男務耕牧女不紡績天寒地瘠民貧俗

儉天鎮縣志

山西通志 卷四十六 風俗 八

朔平府

風俗惟淳民物尙樸宋李文侯平治句城碑記

風氣剛勁人尙勇毅前延梁驛明寺碑記

人習戰鬪忠勇素具祁志

其民敬老慈幼節用恭儉勤於耕耘務於牧養元志

其民敬老慈幼節用勤農士恥奔競務淳實祝志

民貧地瘠崇儉黜華祝志

民性渾朴惟事耕耘飲食衣服多尙簡易至於慷慨輕生剛

毅任俠信鬼好祈禱不免西晉之故俗云馬邑縣志

好勝負氣慷慨磊落御史袁詔郭國公廟記

士知閉戶農思力田各安其業左雲志

習尙勇敢平魯志

人多遂末不思敦本 同上

寧武府

代北之人武

柳芳姓系澤

性愚魯尚射獵

祝志

地多沙陡人尚強梁從軍者衆競事奢靡

祝志

居萬山之中地多沙磧而務農者鮮人尚戎馬而從軍者衆

祝志

習兵好射尚朴少文

祝志

俗悍而喜鬪民輕生敢死有燕趙之遺

高文薦廟學碑記

鄰於邊鄙務儉崇朴衣惟韋布食鮮膏粱

神池縣志

山高風烈土瘠民貧

同上

爾朱羽健魏登國初爲領人會長居秀容川詔割方三百里

山西通志

卷四十六 風俗

九

封之長爲世業道武初以南秀容川原沃衍欲令居之羽健

曰家世奉國給侍左右北秀容旣在剗內差近京師豈以沃

瘠更遷遠地上許之自是給復百年至曾孫新興太和中繼

爲會長牛羊駝馬色別爲羣谷量之每春秋二時恆與妻子

閱畜牧於川澤射獵自娛

魏書

羽健家近祁連池卽蘆芽山巔

池也地瘠牧蕃此五寨之俗

澤州府

人性質而好學其氣豪勁

元志

其民儉朴而敦本有唐晉之遺風

同上

力勤耕種淳而好義儉而用禮

古志

八習機杼俗尚儉朴

勤於力田多嗜文學

穆志

民被唐風故多儉朴地接舜時故多務農

穆志

澤跨河朔隸冀南爲鉅郡其民儉質而力耕有堯舜遺風餘

思士亦効於文學無外慕焉鵠肅鴻漸後先接武

張鷟學記

其民勤直忠儉

柳史

熊延志序

近太行之麓水土深厚性質朴氣豪勁多文雅士衣冠禮讓

爲諸郡先

祝志

風尚少浮不失原本

澤州志

淳而好義儉而循禮

祝志

昔稱勤儉今漸侈靡競奇闢巧恪於奉公

高平縣志

士重名節民尚儉朴

祝志

境鄰中州故語言辨正教崇鄒魯故士多文學

舊志

士多廉恥之風務名節惜行檢民尚節儉近雖稍奢猶不失

山西通志

卷四十六 風俗

十

古意

穆志

質朴樂於趨善喪祭不用浮屠

祝志

君子守禮勤儉小人盡力耕織婦女不街行入城不馳驟

川縣志

廉儉尚義悃悃無華

祝志

士夫居鄉朴直民恥淫盜少爭訟房地屢世不相棄敬神信

巫少有不平必質之神故鄉多廟祀醮賽紛舉

沁水縣志

蒲州府

儀度冠冕容止閒雅良由仕宦之家陶染成俗

隋文帝幸蒲

州記

蒲地虞舜所都其地磽瘠人民朴儉

朱子論

仰德而執敬聞風而興義

首陽記

風土剛勁豪傑輩起

方輿勝覽

民淳而事簡有虞氏之遺風存焉

趙孟頫送田衍知河府

唐虞治迹之所經行夷齊清風之所漸染宜乎有薰而善者

陶而化者

河中志

蒲坂爲有虞故都地界秦豫其形勢之麗崎中條鼎峙黃河

亘流秀淑之氣扶輿磅礴鬱然三晉冠故生其地者粹然淳

杜篤祐志序

古人文輩出忠孝相仍有虞氏之遺風在焉

永濟志

容儀閑雅服飾鮮麗仕宦之卿人文稱盛

永濟志

民性質朴好尚節儉力田紡績多事商賈

永濟志

男女盡職士多節義近好訟婚姻論財

永濟志

土剛而燥其人往往負氣好鬪至男業耕耘士子不廢女勤

臨晉縣志

山西通志

卷四十六

風俗

虞鄉志

紡績巨室亦然斯則蟋蟀葛屨之遺焉

臨晉縣志

地稱膏壤民亦勤謹畏法

虞鄉志

民務桑農士嗜文學

猗氏志

秀者爲士朴者爲農士雖嗜學不廢耕耘而農瞿瞿蹶蹶終

猗氏縣志

歲靡寧卽欲不儉孰與爲奢

猗氏縣志

語不飾僞服不厭惡多以氣節自高

猗氏縣志

遼州

其民信實純厚

元志

剛悍朴直

地輿紀要

山川險絕其民信實純厚其俗剛悍朴直力耕作而無織紡

遼州志

遼陽地少平沃商賈不通民多穴居以糠粃爲蓋藏縉紳之

遼州志

家亦用之

輿圖志

遼居太行絕頂四月冰解八月飛霜風氣大寒耕者鮮獲

遼州志

昔尙朴實近頗強悍

和順志

俗尙朴業士宦不乘車馬婚喪不事靡麗賦稅樂輸近亦知

和順縣志

好文藝

和順縣志

介萬山之中其地瘠其民貧士生其間勤朴簡素且耕且讀

圭

山西通志

卷四十六

風俗

白如梅和順學記

喜謙恭而鄙驕諂好良善而賤豪強

榆社志

行事多愚慙不爲綺語

榆社縣志

平坡沙薄田有四等大率硲确不可耕者十居六七民之終

同上

歲勤劬耕租納課惟此

沁州志

其俗勤儉朴實專力耕農少事商賈

古志

居萬山之中其地硲瘠瘠氣候煖遲而寒早

沁州志

耕織爲生婚喪相助

沁州志

風氣剛勁民性獷悍好勝喜鬪平居尙齒德患難多氣節

沁州志

民多質朴俗尙勤儉

沁源縣志

稼穡是重廉恥為先武鄉志

地瘠民貧性剛氣悍不事商賈地宜穀黍武鄉縣志

平定州

郡小民淳俗重端午其風清簡好尚文章元志

其土瘠其民勤其俗朴質其風慄悍尚有陶唐氏之遺風呂思誠風土記

榆關地僻而要故州人雖處山林澗谷之中而達於四方之

故其為士者亦純明而朴茂疏通而謹恪吏茲土者雖憚於

送迎之煩然亦幸其民易使事易集而政易成也王鴻儒序

記

士勤於學農務於耕平定志

士占習尚書師授家傳比屋皆是多以經魁省闈市井便作

山西通志 卷四十六 風俗

三

生理男子不遠游婦女不交易士夫不衣文繡不乘輿馬平定志

定平

勤於稼穡寡於貿易奇陽志

勤儉朴實無異唐風勁悍少文曾存晉舊居民耕農之外別

無生理近代兼資紡織但戶多僂佛人易輕生奇陽縣志

其俗勤勞少壯而材者多挾弓矢跨鞍馬習騎射之事宋李

教新學記 奇陽

民儉俗淳元虞集文廟記 孟縣

山多地少民尚勤朴孟縣志

秉性躁勁賦氣果決孟縣志

醇厚而勤儉力田而少文樂平縣志

忻州

華表俯窺於雙鶴連岡雄鎮於九龍絃歌絕井邑之譁章甫

易弓刀之舊是以太原文風之興自忻州始元好問修學疏

民性質朴士尚文雅忻州志

粗心猛氣健訟輕生忻州志

忻地寒物產稀少民貧而蓄忻州志

務詩書重稼穡淡泊自安定襄志

疾病信巫喪祭用釋定襄志

士守廉恥民好爭訟靜樂志

剛勁質直與人交傾倒肝膈羞稱套數靜樂縣志

代州 民淳訟簡務實勤業無游惰之習絕澆薄之風元志

質直朴野鄙裔勇悍地無平原人多武藝代州志

山西通志 卷四十六 風俗

男不務耕家無蠶桑女不務織雁門志

俗尚戎馬少事文學宏正以來二史竝芳三卿鼎立文武稱

彬彬矣而仕宦騎馬不入閭里婚嫁恥於論財風尤近古云

代州志

山高風烈地儉約務耕讀而少貿易五臺志

山川秀異士生其間積學者代不乏人但民依山阜艱於為

業鮮事商賈惟力耕鑿五臺縣志

土瘠民貧士多守禮繁峙志

其俗勤儉朴直少文繁峙志

少經營尚儉嗇地瘠民貧崞縣志

男務耕耨女語織紡地寒不花鮮所習見士向詩書亦喜弓

馬崞縣志